

տեղնադարանի վարչութիւնը հայագէտ պրոֆէսոր Ֆէտտէրի միջ-
նորդութեամբ որոշել է գնել այդ ձեռագիրները և արգէն կար-
գադրել է անմիջապէս վճարել և գրքերն ընդունել այստեղ, որ-
տեղից կուղարկուին Տիւրինգէն:

ԱՅՆԹԱՊԻ ՄԱՅՐ ԵԿԵՂԵՑՈՒ ՕԾՈՒՄԸ.

Ամբողջ Կիլիկիայի մէջ ամենից փառաւոր և հոյակապ ե-
կեղեցին Այնթապի Մայր եկեղեցին է, որի ճարտարապետա-
կան յատակագիծը պատրաստել է հանգուցեալ արքունի ճար-
տարապետ Յակոբ Պէյ Պալեանը, որը երկար տարիներից ի
վեր շինուած է և որի շինութեան վերայ ծախք է եղել մօտա-
ւորապէս 200,000 ուռքլի: Այժմ, ինչպէս հաղորդում է «Բիւ-
զանդիոնը», Մայր եկեղեցու շինութիւնը աւարտուած լի-
նելով՝ մօտ օրերս նաւակառիքն ու օծումը կատարել է Կիլիկիոյ
Տ. Սահակ կաթողիկոսը:

ՄԻ ՏԵՂԵԿՈՒԹԻՒՆ

Մեր ընթերցողները անշուշտ յիշում են, որ գեր. Տ. Բար-
դուղիմէոս եպիսկոպոս ձուղուրեանցը իւր ձեռննացուն խ-
պէտք է հասկանալ գրքոյկում մեր դէմ գրած մի յօդուածում
ասել էր, թէ այն նորագոյն սիստէմի ձուլիչ մեքենան, որ մենք
ղնել էինք Բերլինում, ինչպէս ղօռօղա երկաթ ընկած է ս.
Էջմիածնի տպարանում: Մենք պատասխանեցինք, ի միջի այլոց,
որ մեքենան անպէտք ընկած էլ կամայ միշտ, մինչև որ մաս-
նագէտ հմուտ վարպետ չբանեցնի այն: Այժմ մեզ հաղոր-
դում են ս. Էջմիածնից, որ անցեալները հրաւիրուելով այնտեղ
Թիֆլիսից մասնագէտ ձուլարանապետ պ. Մադէրը՝ կարգի է
դրել ձուլիչը, որ այժմ բանում է խիստ կանոնաւոր կերպով և
այնքան գործ է արտադրում, որ տպարանը դիտաւորութիւն
ունի տառերի պատուէրներ ընդունել ուրիշ տպարաններից:

Խմբագրութիւնս ստացաւ Նորին սրբութիւն ամ. Հայոց
վեհ. Կաթողիկոսից Հայրապետական Դիւանի գրութեամբ
երկու օր. Էջմիածնատիպ օրացոյց նոր տարուայ շնորհաւորու-
թեան առիթով: